

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono.

QUESTIO MEDICA

Cardinalitiis disputationibus manè discutienda in Scholis Medicorum, die Jovis vigesima-tertiâ Junii.

M. PETRO YON, Doctore Medico, Præsidente.

An fructuum esus, salubrius Panis condimentum, sarcophagiâ?

ALIMENTUM rectè dicitur, quicquid in corporis nostri substantiam convertitur, aut converti potest, familiaritate substantiæ, proportionem convenienti, & similitudine. Inter has tres dotes (quæ ratione, experientia, sensibus ac potissimum gustu deteguntur) prima proprium & unicuique conveniens alimentum (eidem homini non semper idem) constituit simul & indicat, movendo appetitum; qui, nisi aliquâ de causâ vitietur, semper fertur ad id quod consociale est corpori. Ulteriore, aperitam magis & indubitam hujus convenientiæ notitiam qui conatur assequi mechanicis aut chymicis exemplis, non minus ludunt operam otioque suo abutuntur, in alia, præsertim à Medicis, conferendo, quam theologi in perquirendo speciem ligni vitæ & agnitionis boni & mali, nullumque alium laboris sui fructum percipiunt, quam vanam novitatum gloriam, & contentionis adversus veteres de nominibus ac minimè de rebus ostentationem: quâ populi Medici, *Qui a uniis deberet esse labii & sermonum eorundem, ita confunditur lingua ut vix quisque audiat vocem proximi sui.* Unde metendum, ne in diversas iatricas gentes, à verâ Medicinâ planè devias, dividatur, rædio priscarum loquendi formularum, aut saltem neglectis, neque exultis antiquorum monumentis. Proportio (quæ in quantitate, consistentiâ seu substantiæ modo, & temperie consistit) requiritur ad omnimodam alimenti immutationem, huicque necessariis prævias præparaciones, alterationes, & coctiones. Similitudo, in alimento nutritivo tam interno hoc est chylo, quam externo, est tantum aptitudo ad induendum cum partibus similitudinem, rudimentum similitudinis in alimento quasi nutriente seu sanguine, verâ & actualis in alimento actu nutriente seu Cambio: cui propriè magis & legitimè jure alimenti nomen tribuitur. Triplex illa similitudinis ratio ita non est intelligenda, ut nihil sit in triplici illo alimento ineptum alendo corpori, nec dissimile, nec contrarium. Alimento nullum est, quod de naturâ medicamenti non participet: non pauca, veneni aliquid continent: omnia, excrementi plurimum habent. Quam obrem simplicissimum ne queras cibum, sed simpliciorum, qui naturæ corporis congruat. Huic comites si adjungas, cave, ne præcipuo noceant alenti, corpusque lædant: sed diversis, quibus constabunt substantiis, suisque virtutibus, corpori prodesse, omneque laudabilis nutritiâ scopos adimplere valeant.

ALIMENTUM, est quid relativum. Quod enim uni alimentum est, alteri non est; ut patet exemplo Cicutæ & Ellebori. Hic, coturnici alimentum, homini medicamentum. Illa, hominibus & anseribus venenum, sturnis nutrimentum. Hominum excrementa, subibus in alimoniam cedunt. Rusticulæ interanea non repurgata, suavis hominibus esca. Idem, alimentum est eidem & medicamentum, ut lactuca, quæ non tantum ventriculi & sanguinis intemperiem calidam emendat sed etiam verum & in sanguinem mutata, caloris nativi partiumque substantiam auget. Idem, venenum eidem est & pabulum, ut Juccæ indicæ radix, cujus succus deleteriâ qualitate hominis corpus corrumpit, pars crassa & terrestris in pollinem tenuissimum redacta panis alimentari conveniens est materia. Multiplicis istius discriminis causas, non aliunde repetas, quam ex convenientiâ, dissimilitudine, vel contrarietate. Duas postremas, singularis, oblati aut præsentis, & naturalis declarat. Familiaritatem, indicat insitus cuique appetitus, quem excitat sensus & odoratus in singulis partibus, peculiarisque in stomacho affectionis consecrariis: quique sensibus externis, velut exploratoribus, utitur: ita tamèn, ut à tactu in oris partibus imprimisque gustu pendeat judicium de affinitate, disconvenientiâ & dissidio; nullatenus ab auditu; vixque ab odoratu & visu. At hi tres sensus, & inter ipsos olfactus, non parum conferunt, ut dignoscatur ingerendorum bonitas aut vitium, cujus cognitionis præcipua laus debetur gustui. Quæ qualitatibus manifestis sese non producit, ratione & experientia sunt retegenda. Id aliquando tardius hæc præstat, quam par esset. Proportionis in alimento cum corpore nostro necessitas, colligitur ex præparationibus, coctionibus, & immutationibus, quæ illi subeundæ sunt, antequam in partium substantiam facessat. Majori siquidem copiâ, calorem obrueret; minimâ sui mole, dentium adionem effugeret; durissimum, eorundem conatus eluderet; asperum & suâ superfice inæquale, membranam oris partes investientem graviter læderet; lentum nimis tam humidum, quam solidum, regeretur integrum per secessum; nimio urens calore, vel alio primarum qualitarum intensiore excessu calorem nativum vincens, aut partibus jam inultam intemperiem augens, noxam inferret corpori. Commemorati & cæteri analogiæ alimentorum affectus, sensibus, ac præsertim gustu & tactu, deprehenduntur. Similitudo, non nisi à posteriori, seu restauratâ, necnon auctâ corporis mole naturali, cognoscitur.

NEMO, nisi sacrarum paginarum ignarus, nescit, primo parenti paradisi terrestri colono solâ arborum fructuosa data in escam; eidemque, propter funestum seducti liberi arbitrii usum, *Redhibito materia sua & in ergastulum terre laborandæ relegato, præscripta victus fulcimenta* herbas & panem. Non repugnat credere, fructuum esum haud interdictum. At constat, nonnisi secundâ post diluvium genturæ, jam decedenti diuturnitate & felicitate vitæ, quæ sæculorum decursu magis ac magis contrahitur & deteritur, concessum vefci carnibus animalium: quæ hominis imperio & dominio ex primâ institutione mancipata fuerant, ejusque usus & commodis addita. Illas Deus supermensis est, tanquam olera virentia, propter infirmitatem carnis humanæ & duritiam cordis, necnon puniendâ simul gulæ & exercendâ continentie causâ, non ex naturâ proprietatis, neque ex necessitate corporalis conditionis. Absunt quippe longius à substantiâ corporis, quod de limo figuratum, utriusque originem elementi, consistit, aquam, sanguine qui est rubens humor; & terram, carne, ossibus & cæteris partibus, quæ nihil aliud sunt, quam in figuras suas conversa terra. Ex hac igitur congrua magis & inæquale depromuntur vitæ præsidia. Eduliorum omnium præstantissimum maximèque familiare, panis, ad quem naturâ in hominibus, cum sui compos est, elurientis præco appetentia dirigitur, quod bene valentium nemo carere potest; omnibus suavis, qui definit ipsissimè temperantiæ modum, neque patitur nimis ingurgitatione repleri ventriculum; citrà quem nullum aliud, absque valetudinis incommodo, citari potest; quem ab omni cibario quicumque sanus siccaret, insepato ferveret, quæ ciborum varietate plurimum labefactatur, sanitatem. Attamen cum multis mutationibus corpus fit obnoxium, & unitis semper ejusdemque alimonie rædio langueat stomachus, recreandus cibus panis comitibus intermansis, quibus eadem fideiâ corrigantur, aut demantur, quæ naturæ in corpore minis sunt consentanea. Caro cibus est, vel etiam sanis, anceps. Non paucos humores excrementitios, nullis usus, morborum parentes, & nonnisi ægrè eluendos, suggerit, & quantum alibilis substantiæ (quæ non ita laudabilis nec ita utilis nec ita utilis) subministrat, tantum innuit subtrahendum copiæ panis, aptissimi, præ omnibus, alimenti, cunctisque integrâ valetudine fruentibus necessarij. Fructus panis inter edendum si commiseris, non modò, suavitatem quam participat gratiosi humoris & odoris, appetitum, masticationem & deglutitionem juvabunt; sed & tæ iniqua, non parum conferent ad chyli distributionem, & viscerum nutritiorum nitorem: quorum, ac præsertim ventriculi & sanguinis intemperiem emendabunt. Ex ipsis quoque consuevitur quamplurima porum genera, non minus grata, quam utilia diætæ sicut & pharmaciæ adjumenta & instrumenta.

OMNIS homo, semper ægrotat. Sanus vulgò nuncupatur, in quo manifesta non percipitur, nec obscura, functionum læsio; licet partium & humorum temperies aliquatenus à naturali recesserit, atque horum commoderatio, & ad se invicem omnimoda non sit proportio & commensio, nec satis liber commeat. His primis saltè morborum rudimentis, tantum abest, ut medeatur sarcophagiâ, imò præbet incrementum. Carnium siquidem triplex genus distinguitur. Primum, partium, quæ trunculorum, & omalorum appellationibus comprehenduntur: difficillimæ coctionis, paucissimi alimenti, & crassæ ac lentæ substantiæ. Secundum, parenchymatum, glandularum & interaneorum: crassi succi, cocti difficilis, tardè permeantis, & maximè excrementitij. Tertium, carnis musculosæ; de cujus bonitate vix constare potest: quod pendeat ab innumeris causis, animalium genere, specie, ætate, victus ratione, habitu corporis, veneris castro, prægnatione, parturitione, institutis, partium discrimine. Eadem Caro facili & semper omnino demutatur, tempore mactationis, coctionis & parandi modò, ferè semper dubiò & inæquali, ut plurimum adulterante & corruptente, in quò difficile est non peccare; necessariò tamèn, cum cruda caro non veniat in usum hominis. Cujuscunque sit dotis & conditionis, nisi maximâ tostonis ariditate fiat exsucca, facilis non est attritu. Vel enim dura est & siccitate *πυρρὴ*; vel laxior, mucosa, lenta & viscida: quæ medio in his qualitatibus modo se habet, nec friabilis est, nec *δαρὴ*, ut potè nervorum tenacibus connexibus implexa, venarum & articularum ramosis discursibus implicata, fibris sibi in vicem artius coherentibus intexta. Hinc omne carniū genus (etiam intritorum & inficiorum) cum imperfectè subigatur in ore, difficilis in ventriculo coquitur, distributioni dicatas partes ægrè subit, nec satis celeriter permeat, sanguinis anadosim moratur, infarsus parit, putredine flammam faciliè concipit. Quidni & morborum, non paucis animalium speciebus familiarium, vel congeneris indolis, tradux existimetur. Edulium fructuum conditio, sensibus est obvia & cognitu facilis, atque non indigent, ut in escam admittantur; dentibus & ore vel minimò negotio finduntur, inciduntur, accuratè comminuantur, faciliè teruntur, diluuntur, salivâ undiquaque perfunduntur, & commiscuntur panis: cuius in ore præparationem, tum deglutitionem, & ex utroque alimenti genere constati chyli distributionem, promovent: humorum, & partium, quibus excipiuntur, intemperiem, castigant: atque in imo ventre collectam, vel etiam contumaciùs harentem illuviem, partim per urinas derivant, partim, alvum subducendo, per secessum deturbant & everrunt. Contrarios evacuationi effectus producant, nonnulli propriâ facultate, quamplurimi pro maturationis gradu, exsiccationis, cocturæ & condituræ ratione, quæ facilis, nec operosa luxuriâ fructus corrumpit: quibus contra id commodi adfert, ut in diuturnum tempus incorrupti asserventur, adeo ut qui uniis duntaxat anni tempestatis proprii sunt, omnibus communes evadant.

PANE manè plente, diariò vitiatò, in crastinam diem, nisi sextâ, citrà corruptelam non colligendò, saturabantur peregrinantes Israelitæ. Coturnices serò tantum ascendentes comedeant. *Carnis dein avidissimi*, murmuris penâ plexi, usque ad cholera il-
Las erigometras cruditando, sepulti sunt in loco sepulchra concupiscentie nominatò. Natura sui authoris, quò ubique gubernatur imitatrix, ejusque virtute provida simul & prudens, panis, cujus eadem quovis anni tempore habet, materiam semper sufficit; non item carnes, quarum plurimæ quibusdam tempestatibus desiderantur, aut insulz à mensis abdicantur, & quæ omni tempore apponuntur, pro ejus diversitate, variant in bonitate. Fructus suppeditat congruos singulis corporis constitutionibus, quas insigne aëris à motu solis & aliorum syderum ortu & occasu mutationes invehunt. Ab æquinoctiò vernò, ad nonas maii, quoniam congesti hyme succi liquantur, attenuantur & coquantur aëris temperati beneficiò, (undè minus alimenti ingerendum, ideòque nec multiplici, quod ejus desiderium moveat, opus est auxilio) nulli prodeunt, nullique maturefcunt fructus: sed pauciores suppetunt qui per hyemem maturerunt. Ab humoribus suis cum plurima excrementa succrescant, jamque calor vires intensiores acquirit, mense majò in subsidium veniunt fraga & cerasa quæ aqnosò humore, quò plurimò luxuriat, corporis nostri secessus faciliè subeunt, per urinas excurrunt, alvum movent, ventriculi & humorum æstum frigiditate mitigant & aliquâ aciditate putredini obstant. Hæc ratione nitentibus visceribus succurrunt paulò post adjuncti aut succedant coeteri fructus horarii, quorum infinitæ species dissimilis consistentiâ succi, quò vel laxant ventrem vel cohibent, & refrigerante humiditate magis aut minus abundantes, humorum ab æstivâ temperie fervorem & partium squalorem temperant & arcent, languentem eâ tempestate appetitum excitant odoris & saporis jucunditate, nec ventriculo, quia cocti faciles, noxam adferunt. Autumnus inæqualis suos fert fructus consimiles temperamenti & substantiæ atque effectuum anomalî. Hyme, quæ ventres calidiores sunt, crassiores substantiæ, pinguis succi & butyroscæ carnis, ideòque minori ad coctionem suscipiendam facilitate, aucto ventriculi calori magis analogi fructus reconduntur & ad maturitatem perveniunt. Hos inter nonnulli per annum integrum sine ullâ arte sed propriâ sponte durant.

Ergo fructuum esus, salubrius Panis condimentum, sarcophagiâ.

Proponebat Parisiis GILBERTUS PUYLON, Parisinus, Baccalaureus Medicus. A. R. S. H. 1695.